

საჯარო სამართლის იურიდიული პირი - ივანე ჯავახიშვილის სახელობის თბილისის სახელმწიფო უნივერსიტეტის სტუდენტური სერვისების და კარიერული განვითარების ცენტრის დებულების (დამტკიცებულია ივანე ჯავახიშვილის სახელობის თბილისის სახელმწიფო უნივერსიტეტის წარმომადგენლობითი საბჭოს 2019 წლის 25 ნოემბრის N5 ოქმით) ცვლილება:

1. დებულების მე-3 მუხლის მე-2 და მე-3 პუნქტები ჩამოყალიბდეს შემდეგი რედაქციით:

ა) „2. ცენტრის სტრუქტურაში შედის ორი განყოფილება - უნივერსიტეტის სტუდენტური განყოფილება და საბავშვო უნივერსიტეტის განყოფილება.“

ბ) „3. უნივერსიტეტის სამტატო განრიგით ცენტრისთვის გათვალისწინებული თანამდებობების დასახელებებია: ცენტრის ხელმძღვანელი, ცენტრის უნივერსიტეტის სტუდენტური სერვისების განყოფილების უფროსი (შემდგომში - „განყოფილების უფროსი“), საბავშვო უნივერსიტეტის განყოფილების უფროსი (შემდგომში - „განყოფილების უფროსი“), მთავარი სპეციალისტი (პირველი კატეგორია), მთავარი სპეციალისტი (მეორე კატეგორია), წამყვანი სპეციალისტი უფროსი სპეციალისტი და კორპუსის ადმინისტრატორი.“

2. დებულების მე-2 მუხლს დაემატოს შემდეგი შინაარსის მე-15' პუნქტი:

„15'. საბავშვო უნივერსიტეტის განყოფილება:

ა) ახდენს თავისი კომპეტენციის ფარგლებში შემავალი ღონისძიებებისა და სასწავლო პროცესის განხორციელებას;

ბ) გეგმავს და ახორციელებს სემინარებს მეცნიერების სხვადასხვა დარგში სკოლის მოსწავლეებისათვის;




გ) ორგანიზებას უწევს ექსპერიმენტულ-ლაბორატორიული მეცადინეობების ჩატარებას;

დ) ორგანიზებას უწევს და ახორციელებს უნივერსიტეტში არსებული საგანმანათლებლო პროგრამების შესახებ გაცნობითი ლექციების ჩატარებას მოსწავლეებისათვის;

ე) ორგანიზებას უწევს შემეცნებით-საგანმანათლებლო ვიქტორინების, კონფერენციების და კონკურსების ჩატარებას;

ვ) გეგმავს და ახორციელებს მოსწავლეებისთვის საბავშვო უნივერსიტეტის კომპეტენციის ფარგლებში სამეცნიერო-კვლევით მუშაობას და ექსპედიციებს;

- ზ) ორგანიზებას უწევს მოსწავლეებისთვის ზაფხულის და ზამთრის შემეცნებითსაგანმანათლებლო სკოლების ჩატარებას;
- თ) ახორციელებს სკოლის მოსწავლეების საბავშვო უნივერსიტეტის და უნივერსიტეტის აკადემიურ პროგრამებზე მოზიდვისათვის საჭირო საინფორმაციო კამპანიას;
- ი) ატარებს ღია კარის დღეებს, როგორც თბილისში, ასევე საქართველოს სხვა რეგიონებში;
- კ) ორგანიზებას უწევს მოხალისე სტუდენტების მიერ მშობლიურ სკოლებში უნივერსიტეტის შესახებ გაცნობითი შეხვედრების ჩატარებას (მაგ. პროექტები „გააცანი შენი პროფესია“ და „თსუ დესპანი“);
- ლ) მონაწილეობას იღებს უნივერსიტეტის მიერ ორგანიზებულ ღია კარის დღეებში და სხვადასხვა ღონისძიებებში;
- მ) კოორდინირებას უწევს საბავშვო უნივერსიტეტის ფარგლებში დაგეგმილ და განხორციელებულ ღონისძიებებს ფაკულტეტებზე, ფაკულტეტების მიერ მოსწავლეებისათვის დაგეგმილი ლექციების, კონფერენციების ვიქტორინების და სხვა სახის ღონისძიებების ორგანიზებას.
- ნ) ორგანიზებას უწევს მოსწავლეებისათვის კარიერის დაგეგმვის და განვითარების ხელშემწყობი პროგრამების ჩატარებას
- ო) ორგანიზებას უწევს მოსწავლეებისთვის პროფორიენტაციის კურსების ჩატარებას

2017